

醫方類聚卷之二百六



小兒門二十三

啼二



醫方大成

胎驚夜啼

秘方治小兒夜啼用蟬脫二七枚全者去大

脚爲末入朱砂一字蜜調爲圓使吮之

身成南北經驗方袖
孩方補生易簡方同

湯氏方乳頭散治夜啼不止腹中疼痛

黃耆 甘草 炙 當歸 赤芍藥 木香 各分

右為末每挑少許着乳頭上使吮乳就服

醫方集成南北經驗方 袖珍方衛生易簡方同

永類鈐方

鄭氏釣藤膏治內吊夜啼軀身叫哭唇面青

乳香 燈心 研末 五靈脂 沒藥 當歸 各壹錢 射

香 乙字

右為末蜜元豌豆大百日內乙元釣藤湯化下或燈花三四顆乳香湯化下

乳附元治臟寒胃冷洩瀉氣虛便青白膿心腹疼痛叫啼有汗

附子 炮去皮 乳香 當歸 訶子 炮肉 桂心

葛藟 炮 吳茱萸 各等分

右為末酒糊元小豆大月內兒壹元釣藤湯或米飲下空心大小加減服

乳沉膏治盤腸氣吊軀身啼叫面紅青黑不

定大便青白痢片不化

附子煨二錢 乳香 當歸各乙錢 射香 沉香

各一字

右丸製湯使同上

紅輪散驚熱夜啼涎壅心燥并治中暑昏冒

牙硝 寒水石煨各二兩 射香半錢 腦子半錢 朱砂

二兩甘草炙

右為末周晬兒一字薄荷湯調下

蟬花散治夜啼不止狀若鬼祟右蟬殼下半

截為末初生抄一字薄荷湯入酒少許調

下或者以上半截為末依湯調啼復如初

古人格物之妙若此

朱砂五苓散治邪熱在心清導小便

洗心散心經積熱風痰壅滯踈利大便

已上二方夜啼熱証通用方見和劑活人

二方

蘇合香元治客忤中惡夜啼疝痛方見和劑
保嬰五味子散治夜啼腹痛 壹方四君湯

加芍藥肉桂乾薑丁香半夏各等分

五味子 當歸 赤芍藥 白木各半 甘

草 桂心各乙

右咬咀水煎

養臟湯治臟冷內弔夜啼

當歸壹兩 沉香半兩 丁香 白木 桂心 川

芎各半

右咬咀姜煎加沒藥尤好

萬金散治證同上

沉香 丁香 人參 五味子 當歸

乳香各半 肉桂壹錢 赤芍藥 白木各壹

右咬咀煎

一方夜啼用燈火七个明砂壹字朱砂少許

研蜜調兒睡時抹唇內

一方燈花數顆燈心煎湯調抹口中乳送下

并以井花水調朱砂塗五心止效

一方驚啼以油髮燒灰存性壹字末湯調下

心竅有血也

經驗良方

治小兒夜啼

蟬蛻水洗過 朱砂 白朮各壹兩

右為末用鷄冠血并蜜湯調下臨卧服

釣藤膏治小兒腹中極痛乾啼後軀名盤腸
內弔

好滴乳 沒藥同上 木香 姜黃各四錢

木鱉子十二个去外皮

右煉蜜同已研木鱉子搜和四味藥末丸

如櫻桃子大煎釣藤湯化下一歲兒可服

半九次用魏香散

魏香散用蓬莪茂半兩真阿魏壹錢先以温

水化開阿魏浸蓬莪茂壹日夜焙乾為末

每服壹字或半錢煎紫蘇米飲空心調下

醫林方

呪小兒夜啼書其法無不應效

金花小娘子傳示竈君大王今夜送下夜
啼書其賀其書寫在淨紙上年月日後顛

倒寫兩箇驢字與竈前用香果淨水臨卧
供養母臨卧與竈前燒了香燈上燒了書
其兒當夜更不啼哭

新效方

治夜啼

人參

二錢半金
價銀五無

黃連

一錢半鉤
玄姜汁炒

甘草

半竹
錢

葉二十片

右四味咬咀分作二服每服水壹觥姜壹
片煎至半觥去滓温服

壽域神方

治小兒夜啼用蟬蛻二七枚全者去大脚朱

砂壹字同爲末蜜丸令兒吮之

壹法用雞窠中草

衛生易簡方用雞翼

安母蓆下勿令

母知道備預百要方同

衛生易簡方

胎驚夜啼

治小兒在胎中受驚生未滿月而驚啼用朱
砂牛黃射香各少許研細取猪乳汁調稀

抹入口中

治胎驚風癇啼叫用全蝎壹枚以生薄荷四葉裹之線札定火上炙燥為末分作四服或入麝香朱砂少許麥門冬湯下若大人風痰作壹服

又方用仙人枚安睡處身畔此杖即笋欲成竹時立死者

備預百要方

小兒夜啼井口邊草布席下

犬全本草勿令母知

又虎骨燒灰服米大許

又畫目形形下書三鬼字置床下

又止啼符

屬師

兒兩手

掌書之

甲

臍中

書之

水甕

房上

帖之

夜啼食治

食醫心鑑

治小兒夜啼小便不通肚痛漿水粥方右以漿水煮白米二合作稀粥臨熟下葱白和

勻食之

論
雜合
藥方
目錄

中惡 附客忤

目錄

論

金匱方

千金方

壹物猪蹄散
卒二物燒髮散
壹物馬通

浴湯
壹物猪通浴湯
取黃水

聖惠方

治小兒客忤諸方

龍膽散
雄黃丸
麝香丸
犀角散

雀糞丸 雄黃散 桂心散

治小兒中馬毒諸方

治小兒中惡諸方

桃奴散 鬼箭羽散 雄黃丸

治小兒卒死諸方

直指小兒方

客忤證治

雄驕散 蘇合香元 犀角散

千金龍膽湯

安神圓

得效方

客忤

蘇合香元

卒暴

肘後方

醫方大成

中惡天吊

蘇合香元 辟邪膏

壽域神方

衛生易簡方

中惡天甲

備預百要方

餘藥無名者散見本方

鍼灸

中惡 附客忤

巢氏病源

中客忤候

小兒中客忤者是小兒神氣軟弱忽有非常之物或未經識見之人觸之與鬼神氣相忤而發病謂之客忤也亦名中客又名中人其狀吐下青黃白色水穀解離腹痛反倒夭矯面變易五色其狀似癩但眼不上搖耳其脉弦急數者是也若失時不治久則難治若乳

母飲酒過度醉及房勞喘後乳者最劇能殺兒也

爲鬼所持候

小兒神氣軟弱精爽微羸而神魂被鬼所持錄其狀不覺有餘疾直爾萎黃多大啼喚口氣常臭是也

無辜病候

小兒而黃髮直時壯熱飲食不生肌膚積經日月遂致死者謂之無辜言天上有烏名無

辜晝伏夜遊洗浣小兒衣席露之經宿此鳥卽飛從上過而取此衣與小兒著并席與小兒卧便令兒著此病亦謂帶青衣帶青衣千金方豈效於此也小兒衣席露之經宿此鳥亦謂客忤也客忤風波皆令小兒中惡客忤則少小所以有客忤病者是外人來氣息忤之豈名中人是爲客忤也雖是家人或別房異戶雖是乳母及父母或從外還衣服經履鬼神相惡暴氣或牛馬之氣實爲忤也執作喘

息乳氣未定者皆爲客忤其乳母遇醉及房
勞喘後乳兒最劇能殺兒也不可不慎凡諸
乘馬行得馬汗氣臭未盥洗易衣裝便向兒
邊令兒中馬客忤兒卒見馬來及聞馬鳴驚
及馬上衣物馬氣皆令小兒中馬客忤慎護
之特重壹歲兒也凡小兒衣布帛絲中不得
有頭髮履中亦爾白衣青帶青衣白帶皆令
中忤凡非常人及諸物從外來亦能驚小兒
致病欲防之法諸有從外來人及有異物入

戶當將兒避之勿令見也若不避者燒牛屎
令常有烟氣置戶前則善
小兒中客爲病者無時不有此病也而秋初
一切小兒皆病者豈是一切小兒悉中客邪
夫小兒所以春冬少病秋夏多病者秋夏小
兒陽氣在外血脉嫩弱秋初夏末晨夕時有
暴冷小兒嫩弱其外則易傷暴冷折其陽陽
結則壯熱胃冷則下痢是故夏末秋初小兒
多壯熱而下痢也未必皆是中客及魘也若

治少小法夏末秋初常宜候天氣溫涼也有
暴寒卒冷者其少小則多患壯熱而下痢也
慎不可先下之皆先殺毒後下之耳玄中記
云天下有女鳥名曰姑獲時後方子母書各
秘錄作鳥獲
天帝女壹名隱飛鳥壹名夜行遊女又名鈞
星鬼喜以陰雨夜過飛鳴徘徊人村里喚得
來者是也烏淳雌無雄不產陰氣毒化生喜
落毛羽於人中庭置兒衣巾便令兒作癩病
必死卽化爲其兒也是以小兒生至十歲衣

被不可露七月尤忌

直指小兒方

客忤方論

客忤者小兒神氣嫩弱外邪客氣獸畜異物
暴觸而忤之其候口吐青黃白沫水穀鮮雜
面色變易喘息腹痛反側痠癢狀似驚癇但
眼不上竄耳脉來弦急而數視其口中懸癰
左右若有小小腫核卽以竹針刺潰之或以
爪摘之治法辟邪正氣散驚定心延久則難

卷之三
五

為力也大凡客忤中惡急作醋炭仍以降真
香皂角燻之永類鈔方此下云先以蘇合香
姜湯調灌仍用鼓搗元彈大擦
五心五
六次

金匱方

救小兒卒死而吐利不知是何病方狗屎時

方馬壹丸絞取汁以灌之無濕者水煮乾後

者取汁

千金方

凡中客忤之為病類皆吐下青黃白色水穀

解離腹痛天乳面色變易其候似癩但眼
不止插耳其脉急數者是也宜與竜膽湯
下之加以參當歸各如竜膽秤分等多少
也小兒中客急視其口中懸癰左右當有
青黑腫麻核如麻豆大或赤或白或青如
此復宜用針速刺潰去之亦可瓜摘決之
并以絲纏釵頭拭去血也少小中客之為
病吐下青黃赤白汁腹中痛發反側偃側
喘似癩狀但自不主插少睡耳而變五色

其脉弦急若失時不治小兒則難治矣欲
 療之方用鼓數合水拌令濕搗熟凡如鷄
 子大以摩兒額手足心各五六遍畢以
 布摩兒心及臍上下行轉摩之食頃破視
 其中膏有細毛即擲充道中痛即止
 治少小中客忤強項欲死方取衣中白魚亦
 枚為末以傅母乳頭上令兒飲之入咽也
 愈聖惠方同壹方二枚著兒母手掩兒臍中息
 吐下愈亦以摩兒項及脊強處

治少小客忤二物黃土塗頭方竈中黃土蚯
 蚓屎等分搗合水如雞子清和如泥
 聿及五心良壹方云雞子清和如泥
 又方吞麝香如大豆許立愈直指小兒方麝香小許所細乳
 一付調塗口中仍以以藥激以水
 母衣覆其身即愈
 治少小犯客忤發作有時者方以掛月衣覆
 兒上太良
 治少兒卒中忤方剪取驢前膊上旋毛
 如彈子以乳汁煎之令毛消藥成着乳頭

飲之下喉即愈

又方燒母衣帶三寸并髮合乳汁服之

又方取牛鼻津服之

備預百要方同

又方取牛口沫傅乳頭飲之

備預百要方同

一物猪蹄散治小兒寒熱及赤

聖惠方作毒

氣中

人方猪後脚懸蹄燒末擣篩以飲乳汁壹

撮立效○聖惠方右燒為灰細研每服壹

字至半錢並以乳汁調灌之量兒大小加

減服之

治少小卒中客忤不知人者方取燕馬屎壹

斤絞取汁飲兒下咽便愈亦治中客忤而

嘔啼面青胸強者

一物燒髮散治少小見人來卒不佳腹中作

聲者方○聖惠方治小兒人從外來人氣

卒中兒昏迷腹中作聲宜服燒髮散方用

向來者人額上髮十莖斷兒衣帶少許合

燒灰細末

聖惠方每服一字

和乳飲兒即愈

治小兒卒客忤方銅鏡鼻燒令赤著少許酒

類聚書

十一

中聖惠方酒中淬過大兒飲之小兒不能飲者含與之即愈

壹物馬通浴湯治少小中忤方馬通三升燒

令烟絕以酒壹斗千金翼方三升煮三沸

去滓浴兒即愈○聖惠方右取馬通壹升

燒令煙盡以酒三升煎三五沸去滓溫溫

浴兒即愈

壹物猪通浴湯治小兒中人忤嘔啼面青腹

強者方假猪通二升以熱湯灌之適寒溫

浴兒○聖惠方治小兒中忤人毒猪通浴

湯方假猪通一右以熱湯五升潑濾取汁

溫溫浴兒效

治小兒中馬客忤而吐不止者方灸手心主

間使大都隱白三陰交各三壯可用粉丸

如鼓法並用唾唾而呪之呪法如左

呪客忤法呪曰摩家公摩家母摩家子兒苦

客忤從我始扁鵲雖良不如善唾良呪訖

棄丸道中千金翼方同

又法取壹刀橫著竈上解兒衣發其心腹訖
 取刀持向兒呪之唾輒以刀擬向心腹啡
 啡曰音非出唾貌煌煌日出東方背陰向陽葛
 公葛千金翼方作母公不知何公子來不視去不
 顧過與生人忤梁上塵天之神戶下千金翼方
 二作土鬼所經大刀鑲犀對竈君二七唾客
 愈兒驚唾啡啡如此二七啡啡每唾以刀
 擬之呪當三遍乃畢用鼓丸如上法五六
 遍訖取此丸破視其中有毛棄丸道中客

忤即愈矣

聖惠方

治小兒客忤諸方

夫小兒客忤者是神氣軟弱忽有非常之物
 或見未識之人氣息觸之謂之客忤也又雖
 是家人或別房異戶或乳母及父母從外來
 還或經履鬼神麓惡暴氣或牛馬之氣皆為
 忤也其狀吐下青黃赤白水穀解離腹痛天
 矯面變易五色狀似發癩但眠不戴上其脉

弦急數者是也若失時不治久則難差若乳母飲酒過度醉後及房勞喘乏傾乳兒者最劇能殺小兒也

治小兒血脈盛實寒熱作時四肢驚掣發熱大吐兒若已能進哺中食不消壯熱及變蒸不解中客忤人鬼氣并諸癩等並宜服龍膽散方

龍膽三分去 鈞藤壹分 柴胡壹分 甘草壹分
赤茯苓壹分 黃芩一分 桔梗壹分 赤芍藥壹分

青壹分 蛭三枚 去翅足微炒 ○川大黃壹分
神巧萬全方 無蛭蝦 炒微

右件藥搗麤羅為散每服一錢以水壹小

蒸煎至五分去滓量兒大小分減温服日

四五服

辟小兒諸般驚叫顛癡從初養下便與乳母

帶辟諸驚忤之氣雄黃丸方

雄黃壹兩 虎頭骨三分 麝香一分 猴孫頭骨三分
白龍腦壹分 大柁頭壹枚 乳香壹分 降真香壹分

藥錄卷五

十一

一兩煎香兩白膠香壹兩去毛為末

右件藥都研令細用熟棗肉和丸如彈子

大初長兒前先燒一丸次用綠絹袋子帶

豈在於身上辟一切驚忤之氣

治小兒新生中客忤發熱乳哺不消及中風

反折蹶口出舌并吐逆面青目戴上視腹滿

或癩羸瘦及三歲不行麝香丸方

麝香半兩牛黃半兩黃連壹兩去鬚特生礬石

半兩附子半兩炮裂雄黃半兩丹砂半兩

細研去皮臍細研

水飛過拜心兩烏賊魚骨兩巴豆三拾枚去皮心別研

如赤頭蜈蚣壹枚炙焦

右件藥持羅為末都研令勻鍊蜜和丸如

黍米大兒生十日至一月日服壹丸凡四

十日至一百日服二丸壹歲至三歲服三

丸三歲已上以意加減服之以乳汁下米

飲亦得

治小兒卒中備預百要客忤方經驗良方

排龍糞壹兩龍中黃土兩

藥集卷五

右件藥以水和如雞子黃大塗兒頭上及五心即愈得效方同

治小兒中客忤體熱方

白龍骨壹分牛黃半分葛根壹分

右件藥搗細羅為散每服以溫水調下半

錢日三四服

治小兒客忤驚啼壯熱犀角散方

犀角屑壹分牛黃半分麥門冬壹分去心焙 鈞藤

青麝香三分大豆壹分朱砂細研

右件藥搗細羅為散入研了藥令勻每服

不計時候以金銀溫湯調下半錢

治小兒客忤驚啼方拔粹方客忤因而驚忤者

竈中黃土二兩雞子一枚去殼

右件藥相和入少許水調先以桃柳湯浴

兒後將此藥塗五心及頂門上神巧萬全方同

又方猪乳壹粟牛黃末壹字

右件藥相和漸漸滴兒口中佳

治小兒卒客忤軀啼腹堅滿雀糞丸方

雀糞

壹兩當歸半兩剉微炒

右件藥搗羅為末鍊蜜和丸如麻子大五
十日兒每服壹丸以乳汁下日三四服更
量兒大小以意加減服之

治小兒中客忤欲死心腹痛雄黃散方

雄黃一分麝香壹分

右件藥都研為散周晬兒每服壹字用刺
雞冠血調灌之空心午後各壹服更隨兒
大小臨時以意加減

治小兒中客忤吐青白沫及食飲皆出腹中
痛氣欲絕桂心散方

桂心壹兩

右件藥搗羅為末壹二百日兒每服半錢
以水壹小盞煎至五分去滓分溫四服更
隨兒大小以意加減服之

治小兒中客忤項強欲死方右取麝香少許

細研以乳汁調塗口中附後○直指小兒

方麝香飲治客忤腹痛危急麝香少許研

效驗... 五

細乳汁調塗口中仍以母衣覆其身即愈

治小兒卒中客忤吐奶不乳哺面青黃色脉

結急浴法

青銅錢 壹百三十文

右以水一斗煮取五升適寒温以浴兒立

效

治小兒客忤壯熱浴方

白芷根苗 苦參

右件藥等分籠擣為散用清漿水煎入搵

少許以浴兒浴了用粉摩之佳

又方右取李葉煎湯去滓温温洗浴兒差

又方新馬糞 壹枚

右水絞取汁與兒時時服少許並小兒

治兒客忤欲狼狽方枹兒於廁前以屎草燒

灰為末水調服少許即愈

治小兒卒中客忤禁符

非屬

出此

右件符並朱書額上貼之

神巧萬全方備
預百要方同

小兒中客毒諸方

凡人乘馬致人家人身有馬汗不暇湯浴則須換衣服不暇換衣服卽食頃歇定方得親近小兒若不如此則小兒中馬毒客忤或初卸馬馬氣未歇將鞍轡等物逼近小兒兒聞馬嘶使驚皆因中馬毒客忤其狀腹痛吐下青黃白色水穀解離甚者致夭也
治小兒中馬毒宜用此方右取馬尾毛於兒

前燒令兒咽氣及每日燒之○直指小兒方馬尾方治中馬汗氣臭忤或馬鳴驚忤馬尾燒烟熏兒面頰熏以瘥爲度
又方右取馬口角沫塗兒口中效

治小兒中惡諸方

夫小兒中惡者是鬼邪之氣卒中於人也無問大小若陰陽順理榮衛調平神氣相守則強邪不能干正若精氣衰弱則鬼毒惡氣中之其狀先無他病卒然心腹刺痛悶亂欲死

是也凡中惡腹滿脉緊大而浮者死緊細而微者生餘熱不盡停滯藏腑之間時更發動後變爲疰也

治小兒中惡心腹堅脹疼痛顏色青黑大便不通桃奴散方

桃奴五枚甘草壹分炙杏仁壹十枚湯浸去皮尖雙人麩炒微麝香細研桔梗去蘆頭赤芍藥黃芩柴胡去苗川升麻川大黃炒鬼白去毛已上各半兩

右件藥搗麤羅爲散每服一錢以水一小盞煎至五分去滓不計時候溫服以利爲度量兒大小以意加減

治小兒中惡心堅強卒痛欲困鬼箭羽散方

鬼箭羽壹分真珠末壹分桃仁十枚湯浸去皮尖雙人麩炒黃川大黃壹兩剉羚羊角屑去蘆頭桔梗去蘆頭川朴消川升麻川赤芍藥去苗柴胡去苗黃

右件藥搗麤羅爲散每服壹錢以水壹小

蒸煎至五分去滓不計時候溫服量兒大小以意加減

治小兒中惡心痛辟除邪氣雄黃丸方

雄黃半兩真珠末半兩麝香壹錢牛黃壹錢

巴豆二十枚去皮心研紙裏壓去油

右件藥都研令勻入棗瓢及煉蜜和丸如

粟米大每服以薄荷湯下三九神巧萬量

兒大小加減服之

治小兒卒死諸方

夫小兒卒死者是三虛而遇賊風故巢氏病源有無

字病倉卒而死也三虛者乘年之衰一也逢

月之空二也失時之和三也有此三虛復為

賊風所傷使陰氣偏竭於內陽氣阻隔於外

而氣壅閉陰陽不通故暴絕如死若臟腑未

竭良久而蘇亦有挾鬼神氣者皆須邪退乃

生宜以藥療之也巢源凡中客忤及中惡卒

久乃發動多變成注也

治小兒卒死方右取女青末半錢用牛乳汁

巢氏病源卷之...

調服之

又方右以牛糞絞取汁內少許口中差

又方右燒獾猪糞水解取汁服之

又方右以苦參醋煮取汁少許內口中即蘇

水煮亦得

又方右以爛棺木板酒煮取汁服少許效

又方右煎搗湯令極鹹以物拗口開灌之令

入腹即活

又方右以熱湯和灰厚擁身上逡巡即蘇

直指小兒方

客忤證治

雄麝散治客忤腹痛危急

雄黃

錢一乳香

錢半麝

壹字〇得

右為細末每一字刺雞冠血調灌之

得效

蘇合香圓

方見咳

用薑湯調灌次用鼓三合

水濕擣為圓如雞子大以摩兒額上及足

心各五遍次摩臍心及上下良久擘開

自有毛即擲之

犀角散治客忤驚啼壯熱

天麻 犀角 麥門冬 得效方 釣藤

朱砂 各壹錢 鐵粉 雄黃 半錢 麝 少許 方生 得效

右為末每服半錢以金銀煎湯調下 得效

服安神元亦可承類鈴方薄荷湯下仍以母衣覆見身以風之即愈

安神圓

生犀末 人參 茯苓 苒蒲 朱砂

雄黃 等分

右為末研桃仁膏為圓如麻子大每三圓

紫蘇湯下

伏龍肝方竈中黃土和醋搗圓棗子大摩兒

頭及五心

千金竜膽湯 方見驚癇

得效方

客忤

蘇合香圓治神氣嫩弱外邪客氣獸畜異物

暴觸忤口吐青黃白沫水穀鮮雜面色變

易喘息腹痛反側癡癡狀似驚癇但眼不

上竄視其口中懸癰左右若有小小腫核
卽以竹針刺潰之或以指爪摘破急作醋
炭降真香皂角燻之却服此方見大方
每服一圓姜湯調開頻頻與服次用豉三
合水濕搗爲圓如鷄子大摩兒顙上及足
心各五六遍次摩臍心及上上良久擘開
自有毛卽擲之大法宜辟邪正氣散驚定
心延久難爲力也

卒暴

捷方治卒然腹皮青黑而死灸臍上下左右
去臍各半寸并鳩尾骨下壹寸凡五處各
灸三壯仍用酒和胡粉塗其腹

又暴腹滿欲死半夏不以多少微火炮爲末
酒和爲圓如粟米大三五粒淡薑湯或蜜
湯下

又中惡暴死葱白納下部及鼻中立活或用

菖蒲末著舌底及吹入兩鼻兩耳中效

經

良方

又中蠱欲死甘草濃煎湯服立驗
肘後方

小兒病發身軟時醒者謂之癩身強直者反
張不醒者謂之瘵凡中客忤之病類皆吐下
青黃白色其候似癩但眼不上下接耳其
痢水穀解離是也

葛氏治小兒中客忤惡氣與麝香大豆許立
愈

又中客忤中人吐下黃水水一斗煮錢十四

枚以浴之又取水和粉若熟艾各為丸鷄

子摩小兒五心良久摩上毛出差

小品擣豉為丸摩五心摩訖丸擲路中

小兒腹暴病滿欲死方半夏隨多少炮下篩

酒和之服如粟粒五丸日三立差

小兒新生一歲衣被不可露慎之慎之大方

中具說其事畏烏獲烏取兒

醫方大成

中惡天吊

和劑方蘇合香圓治小兒卒中惡毒心腹刺

痛

醫方集成南北經驗方附珍方同方見大方科諸氣門

湯氏方辟邪膏治小兒卒中惡毒心腹刺痛
悶亂欲死凡腹大而滿診其脉緊細而微者
牛緊大而浮則死急服蘇合香圓再以皂角
末觸鼻次服沉香降氣湯加人參茯苓不愈
進以辟邪膏無不效者客忤亦可服

降真香

白膠香

沉香

虎頭骨

炙鬼

白龍膽草

人參

茯苓

各半兩

右為末入雄黃半兩麝香壹錢煉蜜為圓

乳香湯下及令兒帶燒卧內尤妙

醫方集成南北

經驗方補珍方同

壽域神方

治客忤心腹絞痛脹滿氣衝心忤以水潰粳
米取汁一二升飲之口以噤者以物強發
之兼灸鼻下人中三十壯令切鼻柱下也

一方搗墨水和服壹錢匕

一方以銅器或瓦器貯熱湯著腹上如冷解

去衣令湯器著肉大冷者多換熱湯取愈則止

一方以重衣蓋腹上銅器著衣上少少用茅草於器中燒之草盡加之勿令多也取愈乃止

一方擣生菖蒲根汁含之立痊

卒忤停尸不能言者用桔梗二根燒爲末滾

湯調服

衛生易簡方

中惡天弔

治小兒卒中惡毒心腹刺痛腹皮青黑不能喘息悶亂欲死用女青末內口中并治吐痢卒死酒服亦治大人

又方急服蘇合香丸及用皂角末吹鼻內

又方用降真香白膠香沉香虎頭骨炙鬼龍膽草人參茯苓雄黃各半兩麝香壹錢爲末鍊蜜丸如芡實大乳香湯下一丸及令兒佩帶并燒卧房內尤妙

治辟惡魅用虎爪懸小兒臂上

備預百要方

小兒卒中惡客忤方服桔梗末三錢

中惡鍼灸

肘後方

小兒中惡

葛氏治小兒中客忤惡氣灸臍下七左右半寸及心鳩尾下一寸凡五處三十壯壯不在大此兼治小兒百般病

壽域神方

卒忤停尸不能言者以繩橫量其人口量其臍去四面各壹處灸各三壯令四火俱發瘥

壹法橫量口中折之令上頭者心下灸下頭五壯

中惡短氣欲死者灸足兩母趾上甲後聚毛中各十四壯卽愈未愈又灸十四壯

中谷十四日...
 中...
 正...
 書...
 錄...

尸疰 附蠱疰

論

小兒藥證

小兒鬼癖鬼疰吟

聖惠方

治小兒尸疰諸方

木香散 犀角散 桃人散 保童丸

雌黃丸 鬼臼丸

治小兒蠱疰諸方

目錄

殺羊角散 升麻散 雄黃散

拔粹方

八毒赤散

餘藥無名者散見本方

小兒疳積散

疳積

尸疰 附 蠱 症

巢氏病源

注候

注之言住也謂其風邪氣留人身內也人無
問大小若血氣虛衰則陰陽失守風邪鬼氣
因而客之留在肌肉之間連滯腑臟之內或
皮膚掣動邀易無常或心腹刺痛或體熱皮
腫沉滯至死死又注易傍人故為注也小兒
不能觸冒風邪多因乳母解脫之時不避溫

涼暑濕或抱持出入早晚其神魂軟弱而為鬼氣所傷故病也

千金方

治小兒疰方竈中灰揀等分相和熬熨之

小兒藥證

小兒鬼癖鬼疰吟

桃仁只要斷邪風三七青木交和氣藏中半

仁參也要調腹胃一虎骨難敷望桂心各

分檳榔徒遺三菘志各白芥徐徐待款

冬各柳葉曝乾添二分朱砂能押麝香

空各錢半

右件已上壹十二味搗為散以水茶椀煎

三合分兩服

聖惠方

治小兒尸疰諸方

夫小兒尸疰者是三尸巢氏病源五尸之中壹尸疰

也人無問小大腹內皆有尸蟲尸蟲為性惡

多接引外邪而共為患小兒血氣衰弱者精

神亦羸故尸疰因而為病其狀沉沉嘿嘿不
的知病之去處或寒或熱涉引歲月遂至於
死死又注易傍人故名之為尸疰也
治小兒尸疰心腹滿脹疼痛不可忍木香散
方

木香兩半 鬼箭羽兩半 桔梗兩半 去當歸兩半

紫蘇莖葉兩半 檳榔二分

右件藥搗麤羅為散每服壹錢以水一小
盞入生薑少許煎至五分去滓不計時候

溫服更量兒大小加減服之

治小兒尸疰及中惡諸病皆主之犀角散方

犀角屑兩半 川升麻兩半 木香兩半 檳榔兩半 桃人

二十枚酒浸去皮 桑根白皮兩半 川大黃

尖兩半 麝香細研

右件藥搗細羅為散每服以溫水調下
錢日四五服更量兒大小加減服之

治小兒尸疰鬼癖心腹往來疼痛或加寒熱
恍惚色多般桃人散方

桃人三七枚湯浸去皮及木香壹人參壹分

頭虎頭骨一分塗酥檳榔一分京三稜一分

到白芥子一分微炒款冬花兩半朱砂兩半

乾桃柳葉兩各半麝香一分細研桂心壹分

右件藥搗細羅為散不計時候以溫水調

下半錢量兒大小臨時加減

治小兒尸疰鬼癖驚癇魘魘三十六種無辜

天行急黃並宜服保童丸方

牛黃壹分細研麝香一分細研光明砂半兩細研真

珠末壹分虎睛壹對酒浸廿遂令微黃赤芍

藥半兩杏仁半兩湯浸去皮尖赤茯苓兩半甘

草壹分炙巴豆五枚去皮心研

右件藥搗羅為末都研令勻鍊蜜和丸如

麻子大三四歲兒每服以荆芥湯下二丸

更量兒大小加減服之

治小兒尸疰及諸蠱魅精氣入心腹使兒刺

痛黃瘦雌黃丸方

雌黃一分細研雄黃壹分細研朱砂壹分細研川大黃壹分

到碎麝香半分白頭翁壹分徐長卿壹分羚羊壹分微炒一分角屑一分

右件藥搗羅為末都研令勻以青羊脂和丸如麻子大每服以粥飲下三九日三服更量兒大小加減服之

治小兒尸疰邪氣入腹疔痛立効方

雄黃壹分細研壹分梔子人十枚赤芍藥兩半

右件藥搗細羅為散研入雄黃令勻每服以溫水調下半錢更量兒大小加減服之

治小兒尸疰勞瘦或時寒熱鬼白丸方

鬼白半兩川升麻三分麝香一錢柴胡壹兩去毛去苗

右件藥搗羅為末都研令勻鍊蜜和丸如菜豆大每服以煖酒下十九日三服更量

兒大小加減服之

又方桃人二十枚湯浸去皮去生所用

右以水壹中盞煎至五分去滓量兒大小

又分減與服當吐為效如不吐即非是疰也

又方鼈頭壹枚燒為灰

右細研爲散每服以新汲水調下半錢
又方右以雞子壹枚打破生吞之已困者內
入喉中搖頭令下卽差

治小兒蠱症諸方

人聚蟲蛇雜類以器盛之令相食噉餘壹存
者卽名爲蠱能變惑隨飲食入腹食人五臟
小兒有中之者病狀與大人無異則心腹刺
痛懊悶急者卽死緩者涉歷年月漸深羸困
食其心臟則利血心爛乃至於死死交注易

傍人故爲蠱症也

治小兒中蠱毒腹內堅如石而目青黃小便
淋澀變易無常殺羊角散方

殺羊角屑

壹兩

囊荷

壹兩

梔子人

七枚

赤芍藥

壹分

牡丹

壹分

犀角屑

半兩

黃連

壹分

去鬚

右件藥搗麤羅爲散每服壹錢以水壹小

盞煎至五分去滓溫服日三四服更量兒

大小加減服之

又方敗鼓皮

三分炙

苦參

壹兩

囊荷根

兩

右件藥搗麤羅爲散每服一錢以水一小
盞煎至五分去滓溫服日三四服更量兒
大小加減服之

治小兒初中蠱毒宜服升麻散方以水一小

川升麻半兩桔梗半兩去蘆頭去菝葜根半兩

右件藥搗麤羅爲散每服壹錢以水一小
盞煎至五分去滓溫服日四五服量兒大

小加減服之

治小兒飛蠱狀如鬼氣者宜服雄黃散方

雄黃半兩麝香半兩犀角末半兩

右件藥都研令勻每服以溫水調下半錢
日四五服更量兒大小加減服之

治小兒五種蠱毒悉主之方

馬兜零根細研

右搗細羅爲散每服壹錢以水一小盞煎
至五分去滓空腹頓服當時隨吐蠱出未

快吐卽再服主吐又方敗鼓皮一片燒以酒

右細研如粉空心以粥飲調服壹錢病人須更當呼蠱主姓名病便愈

又方薺芫壹兩普空與鹽湯和調以蠱川木

右擣羅為末以粥飲調下壹錢甚効量兒大小加減服之

治小兒畏忌中蠱欲死方

甘草半兩

布以水壺中煮煎至五分去滓分為三服

經驗良方當吐蠱出若平生預防蠱者宜熟方同

炙甘草煮汁服之即內消不吐神効

治小兒中蠱毒令腹內堅痛面目青黃淋露

骨立病變無常方

桃樹寄生二兩

右擣細羅為散如茶點服之日四五服時後

方同

又方麝香半錢

右於空腹以溫水調服即吐出蠱毒未効

再服

治小兒中蠱下血欲死方右取生赤雌鷄翅
下血服之立効

又方右搗青藍汁頻頻與半合服備預百要方同

拔粹方

八毒赤散治男子婦人染著神鬼謂之鬼疰病

雄黃 礬石 朱砂 牡丹皮 附子炮

梨蘆 巴豆各壹兩 蜈蚣壹條

右八味為細末煉蜜為丸如小豆大每服
十丸冷水送下無時

魃病

目錄

千金方

小兒魃方

白鮮皮湯

聖惠方

治小兒魃病諸方

甘草散 大黃丸 伏翼散

大全本草

三因方

龍膽湯

澹寮方

餘藥無名者散見本方

魃病

千金方

小兒魃方

凡小兒所以有魃病者是婦人懷娠有惡神

導其腹中胎妬嫉巢氏病源此他小兒冷病

也魃者小鬼也音奇姪娠婦人不必悉招魃魅

病源作悉能制魃人時有此耳魃之為疾喜微微下

痢寒熱或有去來毫毛鬢髮病源鬢不悅

是其證也宜服龍膽湯凡婦人先有小兒未

能行而母更有娠使兒飲此乳亦作魃也令

兒黃瘦骨立髮落壯熱是其證也

治魃方炙伏翼未飲服之

又方燒伏翼未飲服之

又方以水二升煮蕭蓄冬瓜各四兩取浴之

白鮮皮湯治小小客魃挾實方

白鮮皮 大黃 甘草 芍藥 茯苓

細辛 桂心 各十 八銖

右七味哎咀以水二升煮取九合分三服

聖惠方 治小兒魃病諸方

治小兒中魃面色白赤而復變青者如醉色

故復發作面赤若青黑色繞口不治覺病候

晚者死覺之早者所中邪氣未入藏腑又微

引乳者可服此甘草散方

甘草 壹分 龜骨 壹分 赤茯苓 一分 牡蠣 一分

生乾地黄 壹分 黃芩 壹分 當歸 半兩 桂心 一分

粉 微赤剉 微炒 剉

分一

右件藥搗麤羅為散每服壹錢以水一小盞入澹竹葉七片煎至五分去滓入白蜜一錢更煎一兩沸量兒大小以意分減溫服日三四服

治小兒中魃挾實宜服大黃丸方

川大黃半兩判赤芍藥壹分白鮮皮半兩甘草

半兩判犀角壹分黃芩壹分赤茯苓壹分

右件藥搗麤羅為散每服一錢以水一小盞煎至五分去滓量兒大小加減服日三

四服

治小兒生十餘月後母又有娠令兒精神不

爽身體萎瘁名為魃病宜服伏翼散方右

取伏翼燒為灰細研以粥飲調下半錢日

三四五服効若多令香熟嚼之哺兒亦効

又方冬瓜四兩篇竹四兩

右以水三升煎作湯放溫溫以洗浴兒効

又方龍膽半兩去蘆頭

右以水壹中盞煎至六分去滓量兒大小

漸漸分減服之

夫金水草

子母秘錄療小兒鬼舐方狸屎燒灰和臘月

又猪脂塗上

三因方

龍膽湯治嬰兒出腹血脉盛實寒熱溫壯四肢驚掣吐哕者若已能進哺中食實不消壯熱及變蒸不解中客人鬼氣并諸驚癇○得效方治孕婦被惡祟導其腹中令兒病也其

證下利寒熱去來毫毛鬢髮不悅懌及治婦人

有兒未能行時復有孕使兒飲此乳亦作此病

龍膽

柴胡

得效方去蘆及苗

黃芩

桔梗

鈞

藤皮

芍藥

甘草

茯苓

各二錢半 蟻蜋

大黃

壹兩濕紙裏煨

右為劑散以水一升煮取五合為壹劑十

歲已下小兒皆可服若兒生壹日至七日

分壹合為三服八日至十五日分壹合半

為三服生十六日至二十日分二合為三

服三十日至三十日四十日盡以五合爲
三服皆以得下卽止此劑爲出腹嬰兒所
作若日月長大者以次依此爲例必知客
忤及有鬼氣可加入參當歸各二錢半壹
百日兒加壹錢一字二百日兒加二錢半
壹歲兒加半兩餘藥皆准此

澹寮方

治小兒魛音其卽解顛也右用錢氏方鐵箔散局方
安腎圓當效

諸風

目錄

論

千金方

增損續命湯 石膏湯 二物石膏湯

桂枝湯 二物驢毛散 五物甘草生摩

膏 雀屎圓

聖惠方

治小兒中風諸方

羚羊角散 牛黃散 天南星丸 朱砂

九 羊牛黃丸 朱砂丸 沒心草散 丹

參散 鬱金散

治小兒中風癱諸方

朱砂散 牛黃丸 烏蛇丸 烏犀丸

白殭蠶丸

治小兒中風四肢拘攣諸方

獨活散 桑根白皮散 羌活散 一字

散 牛黃丸 朱砂丸

治小兒中風失音不能語諸方

木通散 荆瀝飲子 竹瀝飲子 通神

散 桂枝散 犀角散 抵聖丸 烏犀

丸

治小兒中風口喎斜僻諸方

防風散 漢防己散 生地黃飲子 蟬

殼散

治小兒中風不隨諸方

赤箭丸

大全本草

直指小兒方

中風證治

排風湯 小續命湯 交濟湯 攝生飲

星香飲 附子散 阿膠散 追風毒刺

散 肥兒圓 星蘇散 木通湯 通關

散

宣明論

分股散

保童秘要

御藥院方

牛黃丸 金砂丹 正舌膏

肘後方

聖濟總錄

小兒中風

長理石湯 蓖麻子散 慎火草散 丹

砂丸 紫金丹 螳螂丸 牛黃丸

小新效方

白附丸

玉機微義

小續命湯 大青膏 天麻防風丸 驅
 風膏 敗毒散 防風蒼朮湯 升麻黃
 芩湯 大羌活湯 搨氣丸 羌活膏
 加減惺惺散 殭蠶散 桂苜散
 餘藥無名者散見本方

諸風

巢氏病源

中風候

小兒血氣未定肌膚脆弱若將養乖宜寒溫
 失度滕理虛開即為風所中也凡中風皆從
 背諸臟俞入若心中風但得偃卧不得傾側
 汗出唇赤若汗流者可治急灸心俞若唇或
 青或白或黃或黑此是心壞為水而目亭亭
 時悚動皆不復可治五六日而死若肝中風

踞坐不得低頭若繞兩日連額上色微有青
唇色青而面黃可治急灸肝俞若大青黑面
一黃一白者是肝已傷不可復治數日而死
老脾中風踞而腹滿身通黃吐鹹汁出者可
治急灸脾俞若手足青者不可復治也若腎
中風踞而腰痛視脇左右未有黃色如餅糲
大者可治急灸腎俞若齒黃赤鬢髮直面上
色不可治也肺中風偃卧而胃滿短氣冒悶
汗出視目下鼻上下兩邊下行至口色白可

治急灸肺俞若黃爲肺已傷化爲血而不可復
治也其人當要掇空或自拈衣如此數日而
死此五臟之中風也其年長成童者灸皆百
壯若五六歲已下至於嬰兒灸者以意消息
之凡嬰兒若中於風則的成癩癩也

中風口噤候

小兒中風口噤者是風入頷頰之筋故也手
三陽之筋入結頷頰足陽明之筋上夾於口
膚滕虛受風冷客於諸陽之筋得寒冷則攣

急故機關不利而口噤也
中風掣痛候
小兒耳鳴及風掣痛其風染而皆起於頭腦
有風其風入經脉與氣相動而作故令掣痛
其風染而漸至與正氣相擊輕者動作幾微
故但鳴也其風暴至正氣又盛相擊則其動
作疾急故掣痛也若不正則風不散津液壅
聚熱氣加之則生黃汁甚者亦有薄膿也
直指方

小兒風證解熱有三

痰盛搐掣大便秘結常以枳殼大黃靈脂甘
草利之小便赤澁心熱狂吼當以辰砂五苓
散入燈心行之既利大腸矣
證乍作面色乍紅常有佛爵之狀何耶表熱
表邪猶未解也人參羌活散加青皮紫蘇薄
荷主之參蘇飲亦可矣
直指小兒方

中風方論

小兒中風者以其血氣未定寒溫失調內則盛熱蘊蓄外則腠理虛開故風邪乘其外虛而暴中之其狀昏不知人壯熱狂燥搐掣氣籠口噤涎潮是也心中風則偃卧不能傾側發熱失音其舌焦赤若汗流唇赤者可治灸心俞或唇間白黑青黃乃心壞爲水或面目亭亭時時悚動者並不治肝中風則踞坐不得低頭左脇疼痛諸筋攣急頭目瞶動上視多怒其目青若遠兩目連額微青唇青而黃

者可治灸肝俞或大段青黑其目一黃一白者不治腎中風則踞坐面浮腰脊痛引小腹其耳黑若兩脇左右未有黃色起者可治灸腎俞或脇間如黃土鬢髮直而齒黃赤者不治肺中風則偃卧胃滿喘息咳嗽燥悶汗出其鼻白若目下至鼻四圍及口間白色者可治灸肺俞或色帶黃乃肺壞爲血併手尋衣縫者不治脾中風則踞坐腹滿皮肉瞶動四肢不收其唇黃若豈身通黃口吐鹹汁者可

治灸脾俞或手足青而厥冷者不治凡人爲風邪所中皆從背上五臟俞入之風入於頰之筋則口喎而牙噤風寒於咽喉聲音之門則語不出而失音風與氣搏氣以痰隔則喉間如鼾齕之嚮是風也始人於腠膚次達於經絡而搏於筋脉筋得寒則拘急攣痛得熱則緩弛不隨風挾寒邪卽攣急也風挾熱氣卽緩弛也挾寒而拘攣脉必浮緊挾熱而緩弛脉必浮洪寒者與小續命湯熱者與追

風毒剽散之類大抵脉浮者病在表脉實者病在裏脉促者病在上在表則發散之在裏則疏導之促於上而胃膈澎湃者湧吐之若虛寒證候則附子川烏又不可闕古人治法雖以灼艾爲本亦須消息權度而投劑焉此法自大人方論演觸而得之若遇大人中風卽以此推也雖然風寒暑濕皆能中人况又有因氣而中者人之驟病莫若中風一時倉卒若未能精審且先與下氣豁痰蓋諸中皆

因痰鬱氣滯而作通關以還急以南星南星治卒
 中下氣豁痰生薑木香煎湯和蘇合香圓灌下牙
 緊者南星細辛末之入麝烏梅肉點擦白開
 進藥之後痰消氣下病勢稍蘇印子細體認
 五臟外證而調理之至若口開手散噓氣龕
 大喉間鼾艱瞪眼合眼瀉血遺尿或面色如
 緋或面色黧慘或汗出如珠如油皆惡候也
 又一證小兒多因傷風咳嗽不能發散遂成
 肺風其候喘促涎潮面色青黃目能認人口

不能言如此者當以桑白皮紫蘇麻黃阿膠
 主之仍灸肺俞取愈大人小兒凡病頭面
 冷如按瓜或鼻冷不回或汗出髮潤其身如
 洗皆不可救千金方
 增損續命湯治小兒卒中風惡毒及久風四
 肢角弓反張不隨并瘳瘦僻不能行步方
 麻黃二甘草桂心各一芎藭葛根
 升麻當歸獨活各拾人參黃芩

石膏各半兩杏仁二十枚

右十二味咬咀以水六升煮麻黃去沫

乃內諸藥煮取壹升二合三歲兒分爲四

服一日令盡少取汗得汗以粉粉之○聖

惠方治小兒中風四肢不隨并譫寔不能

行步續命湯方麻黃壹兩去根節石膏一兩杏仁

十枚湯浸去皮甘草炙微赤到黃芩兩芫蕪兩桂心

葛根剉川升麻當歸獨活人參頭已

上各半兩右件藥搗細羅爲散每服壹錢以水

壹小盞煎至五分去滓量兒大小分減類

服汗出爲效切宜避風聖濟總錄治小兒

卒中風惡毒及久風四肢不隨并譫寔不

能行步續命湯方麻黃去根節先煎掠甘

草炙半兩黃芩去黑心一兩石膏壹分芫蕪兩桂去

皮半兩杏仁十枚湯退去尖皮葛根剉半升

麻半兩當歸切焙半兩獨活去蘆頭半兩人參一分右十

二味鹿搗篩三四歲兒每服壹錢匕水七

分煎至四分去滓連夜三四服量兒大小

加減服之汗出以粉傅之避風

石膏湯治小兒中風惡瘵不能語口眼了戾

四肢不隨方

石膏壹斤麻黃八錢甘草射干桂心芍藥

當歸各四錢細辛二錢

右八味咬咀以水三升半先煮麻黃三沸

去上沫內餘藥煮取壹升三歲兒分爲四

服日三〇聖惠方治小兒中風不能語口

眼喎斜四肢不隨石膏散方石膏壹斤麻黃

壹兩去根節細辛壹分甘草炙微射干桂心赤芍

藥當歸剉微炒已右件藥擣麤羅爲散每

服壹錢以水一小盞煎至五分去滓量兒

大小分減溫服之聖濟總錄石膏碎一麻

黃去根節先煎掠甘草炙半射干半桂去

皮半芍藥兩細辛壹分當歸切焙右八

味龕搗篩一二歲兒每服壹錢匕水半盞

煎至三分去滓溫服日三量兒大小加減

服

治少小中風狀如欲絕湯方

大黃二牡蠣龍骨 栝蔞根六甘草六

桂心各拾赤石脂寒水石 各六水半

右八味咬咀以水壹升內藥重半兩煮再

沸絞去滓半歲兒服如雞子大壹枚大兒

盡服入口中即愈汗出粉之藥無毒可每

日二服有熱加大黃不汗加麻黃無寒水

石朴消代之

三物石膏湯治少小中風手足拘急方

石膏如鷄子大青瑰碎 ○真珠壹兩 ○總錄水飛過

右以水二升煮石膏五六沸內真珠煮取

壹升稍稍分服 ○總錄右二味同研勻細

為末三四歲兒每服一錢匕水七分煎至

四分去滓溫服日三量兒大小以意加減

桂枝湯治少小中風脉浮發熱自汗出項強

鼻鳴乾嘔方

桂心生薑 甘草芍藥 各壹 大棗四

右五味咬咀三物以水三升煮取壹升分

三服此方與傷寒篇中方相重

二物驢毛散聖惠方聖濟總錄名麝香散治少小新生中

風聖惠方中方

驢毛壹把取背前交脊上會中拔取如手母指大膏把○總錄驢鬚頭毛

麝香分二豆大○聖惠方膏分總錄細研壹分大小

右以乳汁和銅器中微火煎令焦熟出為

末小兒不能飲以乳汁和之葦筒貯瀉著

咽中然後飲乳令入腹○聖惠方右件藥

以乳汁和驢毛令得所於銅器中微火炒

令焦取出與麝香內研如粉每服以乳汁

調下壹字日三服總錄連夜三服量兒大小加減

服之

五物甘草生摩膏治少小新生肌膚幼弱喜

為風邪所中身體壯熱或中大風手足驚掣

方

甘草聖惠方生用防風各壹兩○聖惠方夫盧頭總錄去又

白木聖惠方總錄三分桔梗各二十銖○聖惠方

雷丸聖惠方總錄三分去蘆頭

右收咀以不中水猪肪壹斤煎爲膏以煎藥微火上煎消息視稠濁膏成去滓取如彈丸大一枚炙手以摩兒百過寒者更熱熱者更寒小兒雖無病早起常以膏摩額上及手足心甚辟寒風○聖惠方右件藥擣羅爲末以不入水猪脂八兩於銚子內煎冷鎔去滓下前藥末相和不住手攪成膏以瓷器中盛每川壹丸如小彈子許炙手以摩兒額上百遍及所患處每日早晨

用之及摩手足心以辟寒風極效

雀屎圓

經驗良方名
白丁香圓

治小兒卒中風口噤不

下一物方雀屎如麻子丸之飲下卽愈大

良鷄屎白亦佳

千金翼方同

○肘後方屎白水

丸如麻子服二丸卽愈良方用家雀屎末水元如麻子大用溫酒服或爲末塗乳頭令服如無雀屎用雞下白屎亦良

聖惠方

治小兒中風諸方

夫小兒中風者由氣血未定肌膚嫩弱若將
養乖宜寒溫失度腠理虛開則為風所中也
治小兒中風筋脉拘急項強腰背硬手足搐
搦發歇不定羚羊角散方

羚羊角屑防風頭去蘆麻黃去根節黃芩

桂心細辛甘草炙微赤剉已羌活壹

右件藥搗麤羅為散每服壹錢以水壹小
盞煎至五分去滓入竹瀝半合更煎一兩
沸溫服量兒大小加減頻服汗出効

治小兒中急風口眼俱搐腰背強直手足拘

急牛黃散方

牛黃青分麝香青錢膩粉壹錢天南星壹

生桑螵蛸三分乾蠍壹兩半白花蛇兩

牛腰已前者酒浸
去皮骨炙令微黃

右件藥搗細羅為散都研令勻每服以温
酒調下壹字更量兒大小以意加減服之

治小兒中風四肢拘急心神悶乱腰背強硬
天南星丸方

天南星壹分膩粉壹分白附子半兩半夏

半兩湯洗麻黃半兩五靈脂壹兩乾蠍壹兩

七過去滑微金箔三十銀薄三十槐子半兩防風半兩

炒去蘆朱砂半兩犀角屑半兩牛黃一分

頭麝香壹分右件藥鴉羅為末入研了藥都研令勻用

醋壹大盞入藥末一半以慢火熬成膏次

入餘藥末和丸如棗豆大壹歲壹丸二歲

二丸三五歲至三丸以溫酒下日三四服

治小兒中風口眼偏斜筋脉拘急及胎中疾

病朱砂丸方

朱砂半兩細研牛黃細研麝香細研乾蠍微炒天

麻白附子白僵蠶微炒乾薑炮裂剉已

右件藥擣羅為散入研了藥令勻用軟粳

米飯和丸如黍米大每服以乳汁化下三

九日三服更量兒大小加減服之

治小兒中風手足搐搦驚風牛黃丸方

牛黃一分防風一分犀角屑

半麝香一分細研 鈆霜一分細研 天麻兩半 天竹黃兩半

研白附子兩半 烏蛇肉兩半 天南星一分

炮膩粉錢 朱砂兩半 水飛過

右件藥搗羅為末入研了藥令勻鍊蜜和

丸如菜豆大每服用溫薄荷酒研下三丸

更量兒大小加減服之

治小兒中風口眼牽急朱砂丸方

朱砂兩半 水飛過 研 蚘螂兩半 足微炒 白僵蠶兩半 微炒

天南星兩半 炮裂

右件藥搗羅為末以麪糊和丸如菜豆大
每壹歲壹丸以薄荷湯下

治小兒中破傷風沒心草散方

沒心草兩半 白附子壹分 炮裂

右件藥搗細羅為散每服以薄荷酒調下

壹字量兒大小加減服之

治小兒汗出中風身體拘急壯熱苦啼丹參

散方

丹參兩半 鼠糞三七枚 微炒

右件藥搗細羅為散每服以漿水調下半錢量兒大小加減服之

治小兒中風吐涎鬱金散方

鬱金半兩膩粉錢巴豆十二顆以小便浸一宿去皮出油研

如

右件藥都研令勻每服以橘皮湯調下壹

字吐涎出即效量兒大小加減服之

治小兒中風瘧諸方

夫小兒中風瘧病之狀如癩而背頸項強直

是風傷於太陽之經也凡小兒解脫或臍瘡未合為風所傷皆令發瘧也

治小兒中風瘧項強腰背硬四肢拘急牙關

緊神思昏悶朱砂散方

朱砂三分雀兒飯糞五枚蠟尾壹七枚白附子二枚

物裂為末晚蠶蛾七枚

右件藥都研令勻細不計時候以薄荷酒

調下一字量兒大小加減服之

治小兒中風瘧牙關緊急項背強直及一切

驚癩牛黃丸方

牛黃研細 天竹黃研細 雄黃研細 竜腦研細 犀角屑研細

麝香研細 水銀入少 研令星盡 乾蠍微炒 附子炮裂 去皮

濟已上 朱砂細研 飛過 天麻 白殭蠶微炒 蟬

殼微炒 桑螵蛸微炒 羚羊角屑 香附子干白

附子炮裂 羌活 獨活 蔓荆子 麻黃去根

節 野狐肝微炙 已上 烏蛇壹兩 酒浸 去皮 骨炙 令微黃

右件藥搗羅爲末入研了藥同研令勻鍊

蜜和丸如麻子大不計時候以薄荷酒研

下三丸量兒大小以意加減

治小兒中風瘳及天癆驚癩一切諸風烏蛇

丸方

烏蛇壹兩 酒浸 去皮 骨炙 令微黃 天漿子二十枚 去殼 天麻

半兩 天南星炮裂 乾蠍壹分 微炒 白附子半兩 炮裂 附

子壹兩 炮裂 去皮 臍 防風半兩 去蘆頭 半夏半兩 湯洗 七遍 去滑

已上九味都以酒浸七日後取出焙乾

搗羅爲末

牛黃 竜腦 麝香 朱砂 雄黃

已上五味同研如粉

右件藥都研令勻用糯米飯和丸如黍米
大不計時候用薄荷湯下三丸量兒大小
以意加減服之

治小兒中風痙及驚癇諸風手足搐搦不定
烏犀丸方

烏犀角屑 天南星炮裂 白附子炮裂 乾蠍炒

天麻已上各一分 白花蛇半兩酒浸去皮

已上六味搗羅為末以無灰酒壹小盞

同入銀器內煎令稠則入後藥

牛黃研細 麝香研細 膩粉 竜腦研細 水銀用少

研令星盡已 朱砂半兩細研 虎睛壹對酒

上各壹分 右件藥七味都研為末入前藥煎和丸如

麻子大不計時候用竹瀝下三丸量兒大
小以意加減服之

治小兒中風痙及天癆驚邪風癇白殭蠶丸
方

白殭蠶壹兩 乾蠍壹分 白附子一兩 天南

星半兩炮裂烏蛇半兩酒浸去皮朱砂半兩細

過○聖濟
總錄無

右件藥搗羅爲末都研令勻以粳米飯和
丸如麻子大不計時候以薄荷温酒下三
丸量兒大小以意加減服之○總錄右五
味搗羅爲末粳米飯爲丸如麻子大一二
歲兒每服三丸以温酒下連夜三服隨兒
歲數以意加減服之

治小兒中風四肢拘攣諸方

夫小兒肌肉嫩弱易傷於風風冷中於膚腠
入於經絡搏於筋脉筋脉得冷則急故四肢
拘攣也

治小兒中風四肢拘攣心忪煩亂不得睡獨

活散方

獨活壹兩○聖濟黃耆壹兩防風三分

白鮮皮三分茯苓壹兩○總錄羚羊角屑桂

心半兩○總錄酸棗人壹兩甘草半兩

右件藥搗羅爲散每服壹錢以水壹小

蒸煎至五分總錄水七分煎至四分去滓量兒大小以意分減服之

治小兒中風四肢筋脉拘攣桑根白皮散方

桑根白皮剉一兩羚羊角屑三分漏蘆參分敗醬

壹兩扶神參分木通壹兩芎藭參分

右件藥搗羅羅為散每服壹錢以水壹小

盞煎至五分去滓入生地黃汁半合更煎

一兩沸量兒大小以意分減服之

治小兒中風四肢拘攣發歇疼痛羌活散方

羌活 芎藭 防風去蘆頭 天麻 當歸剉

炒甘草炙微赤剉已 白附子一分 麻黃兩

去根

右件藥搗細羅為散每服以薄荷酒調下

半錢日三四服量兒大小加減服之○聖

濟總錄治小兒中風筋脉拘急或手足癱

瘓等羌活散方羌活去蘆頭 芎藭參分 防風

去又天麻兩白附子壹分麻黃去根節先煎

兩當歸炙乾切甘草兩右八味搗羅為

散壹二歲兒每服半錢匕乳汁調服三四
歲兒服壹錢匕日三服如無乳熟水調服
亦得量兒大小加減服之乳母亦用煖酒
調下壹錢匕

治小兒中風手足筋脉攣急一字散方

朱砂半兩細研 蟬殼微炒 乾蠍微炒 半夏末用生薑

汁拌炒白殭蠶 天南星煨裂已上各壹分

右件藥搗羅為末每服一字以荆芥薄荷

湯調下神巧萬全方同 量兒大小加減服之日三

四服效

治小兒中風手足拘攣身體強直口噤壯熱

牛黃丸方

牛黃細研 犀角屑 麝香細研 羚羊角屑 胡

黃連 朱砂細研 釣藤 雄黃細研 水銀用小

星令 乾蠍微炒 天竹黃細研已上 烏蛇中兩

令下 骨炙 黃 香 蠶 酒 浸

木仁藥搗羅為末入研了藥令勻用蒸餅

和丸如黃米大每服以薄荷湯下五丸立

有汗出量兒大小以意加減服之

治小兒中風四肢攣急心神煩熱朱砂丸方

朱砂半兩細研 牛黃細研 麝香細研 蠶蟻炒乾

蠍炒 天麻 白附子炮 龍腦細研 羌活炒

各壹分 右件藥搗羅為散都研令勻鍊蜜和丸如

菘豆大每服以薄荷湯研下三九日三四

服量兒大小以意加減服之

治小兒中風失音不能語諸方

夫小兒卒失音不能語者由喉咽是氣之道

路也喉厭者音聲之門戶若有暴風寒氣客

於喉厭之間喉厭得寒則不能發聲故卒失

音也不能語者語聲不出牙關噤也

治小兒中風失音不語四肢壯熱木通散方

木通剉 防風去蘆 川升麻 羚羊角屑

桂心已上各壹分炙 甘草炙

右件藥搗羅為散每服壹錢以水壹小

盞煎至五分去滓入竹瀝半合更煎壹兩

分

分

分

分

分

沸不計時候量兒大小分減服之

治小兒中風失音不語手脚不能轉動心神

煩熱荆瀝飲子方

荆瀝合二生葛根汁合一蜜壹匙竹瀝合二生地黃

汁壹

右件藥相和令勻不計時候溫半合服之

量兒大小以意加減

治小兒中風失音不語昏沉不識人竹瀝飲

子方

竹瀝 荆瀝 消梨汁各二合 陳醬汁半合

右件藥相和微暖量兒大小增減服之

治小兒中風失音不語諸藥無效通神散方

亂髮青兩 燒兩 桂心壹兩

右件藥搗羅為末不計時候以溫酒調下

半錢量兒大小加減服之

治小兒中風口噤四肢拘急桂枝散方

桂枝 獨活 麻黃去根節 赤芍藥 川大

黃剉微 防風去蘆頭 細辛已上各壹分

右件藥搗細羅爲散不計時候以薄荷酒
酒調下半錢量兒大小以意加減

治小兒中風口噤腰背強硬搗犀角散方

犀角屑獨活麻黃去根白附子炮

蠍微炒牛黃細研已上天麻兩天南星半兩

麝香半分

右件藥搗細羅爲散入研了藥都研令勻
不計時候以薄荷酒調下半錢蓋覆汗出
立驗量兒大小加減服之

治小兒中風口噤不知人事欲死宜服此神

驗方

乾蠍壹枚尾全瓜蒂七枚赤小豆二七粒

右件藥搗細羅爲散每服以粥飲調下半
錢服後以吐爲效量兒大小加減服之

治小兒中風口噤抵聖方

膩粉二錢羌活小白附子炮裂乾蠍微炒天南星

炮裂各一分

右件藥搗羅爲末入膩粉都研令勻鍊蜜

和丸如菉豆大不計時候用薄荷水研破
三丸服後吐出風涎或瀉出如葵汁相似
卽效量兒大小以意加減

治小兒中風口噤體熱筋脉拘急烏犀丸方

犀角屑 羚羊角屑 防風去蘆頭 黃芩上巳

各一分 麝香壹錢 朱砂半兩 細研水飛過

右件藥搗羅為末都研令勻鍊蜜和丸如
菉豆大不計時候以薄荷酒研下三丸量
兒大小以意加減

治小兒中風口噤不出聲宜服此方

雄雀糞半兩 微炒

右件藥細研以麪糊和丸如麻子大不計

時候以薄荷湯下三丸量兒大小以意加

減

又方右取鷄糞白如大豆計不計時候以温

酒研服之○肘後方鷄矢白如大豆三枚

夫末以水飲之常差

又方右以竹瀝半合微温灌之

治小兒中風口喎斜僻諸方

夫小兒中風口喎斜僻者是風入於頤鮑氏病源

頤之筋故也足陽明之筋上夾於口手三陽

之筋偏急而致口喎斜僻也

治小兒中風口喎斜僻手足不遂風入於藏

或語不得心神昏悶防風散方

防風去蘆頭 川升麻 桂心 羚羊角屑

麻黃去根節 羌活 芎藭 杏仁湯浸去皮尖雙入麩

炒微黃已上各四分

右件藥搗麤羅為散每服一錢以水一小

盞煎至五分去滓入竹瀝半合更煎一兩

沸分溫二服如人行十里再服衣蓋令汗

出為效量兒大小以意加減

治小兒中風口喎斜僻漢防已散方劉宗素

漢防已去蘆頭 川升麻 桂心 芎

藭 羚羊角屑 麻黃去根節已上各半兩

右件藥搗麤羅為散每服壹錢以水壹小

盞煎至五分去滓入竹瀝半合更煎一兩

沸不計時候量兒大小分減溫服

治小兒中風面引口偏身體拘急舌不能轉

宜服生地黄飲子方

生地黄汁三竹瀝三獨活末

右件藥相和煎至四合去滓不計時候量

兒大小分減溫服

治小兒中風口喎斜僻宜塗蟬殼散方

蟬殼取五月五日樹上者寒食白麵等

右件藥都研令細以醞醋調為糊如患左

斜右邊塗之右斜左邊塗之候口正急以

水洗却藥

又方右川菰蘆瓢以水絞取汁和大麥麵溲

作餅子炙令熱熨正使止勿令太過

治小兒中風口眼偏斜身上頑麻方

蓖麻子一兩研樗根皮青兩為末菰蘆瓢壹兩炒乾為末

右件藥同研令勻以大麥麵餅干糝藥末

在上方患貼右右患貼左以慢火燻正急

去之身上有頑麻津唾調藥摩之

治小兒中風不隨諸方

夫小兒中風不隨者因風邪中於肢節經於筋脉若風夾寒氣者即拘急攣痛若夾於熱則緩縱不隨也

治小兒中風半身不隨肢節拘急不能轉動

赤箭丸方

赤箭兩半牛黃半分麝香半分白殭蠶兩半

白附子兩半羌活兩半桂心兩半白花蛇兩半

去皮骨多微令黃

右件藥搗羅為末入研了藥同研令勻鍊

蜜和丸如麻子大每服以荆芥薄荷湯下

五丸日三四服神巧萬全方同量兒大小以意加

減服之

大全本草

子毋秘錄治小兒風癱不止白礬十三分煖

熱酒投化用馬尾搵酒塗之

譚氏小兒方治初中風癱緩一日內細研膽

礬如麵每使一字許用溫醋湯下立吐出

涎漸輕

譚氏方治小兒牙關不開天南星一箇煨熟
紙裏封角末要透氣於細處剪雞頭大一
竅子透氣於鼻孔中牙關立開
直指小兒方

中風證治

排風湯治中風昏憤或狂語或失音

白鮮皮 白朮 芍藥 官桂去蘆 川芎
當歸 杏仁燂 防風 甘草炙 麻黃各半兩

去節 川獨活 白茯苓各七錢半

右細剉每服一錢薑二片煎

小續命湯治中風不省人事涎鳴反張失音
厥冷

麻黃去節 人參 黃芩 川芎 芍藥 甘

草炒 杏仁去皮 防已 官桂去蘆皮 防風

七錢 附子炮去皮 半

右除附子杏仁外並搗為籠末次入二味
夾和每壹錢薑三片煎食前服○玉機微

義壹名實筋湯治小兒吐瀉之後因虛生風痰

凝神昏涎盛不利麻黃去節防風一分芍

藥附子人參川芎白朮防已各壹黃芩壹

桂枝甘草各半兩右為粗末每三歲壹錢水

煎入薑棗有汗者去麻黃

交濟湯治中風肢體緩弱筋節疼痛排風湯

續命湯二藥夾和入鷄心槓榔用生薑煎

服次以烏藥順氣散加全蝎繼之

攝生飲治中風

南星大者濕紙略炮用一錢半夏圓白者盪七次南木香各壹

錢細辛石菖蒲蒼朮略炒甘草炙各半錢

右剉散每服壹錢薑三片慢火煎取其半

調蘇合香圓一粒灌下痰盛者又加全蝎

星香飲治中風

南星略炮二錢木香各壹錢橘皮各壹錢全蝎二箇甘

草炒半錢

右剉細每服壹錢薑三片慢火煎熟與之

虛冷者加熟附子川烏少許添薑錢

附子散治中風厥冷

生附子青木香半

右剉細每服半錢薑四片煎服

阿膠散專治小兒肺風喘促涎潮竄眼斜視

透明阿膠剉細炒

右用紫蘇烏梅肉焙乾末之為衣煎人參

湯送下或以阿膠炒為末和人參紫蘇烏

梅同煎亦得阿膠育神凡驚風後眼中瞳

人不正可以阿膠壹倍人參半倍煎與之

追風毒剉散治中風內外皆熱

大黃一分檳榔一分桑白皮各半羌活兩防風

半郁李仁一分

右剉散每服壹錢黑豆三十粒同煎乳食

後服

肥兒圓治風後瘖不能言

蕪荑神麩麥蘖各黃連

右為末豬膽汁圓麻子大每服五圓用陳

皮木香史君子炙甘草煎湯送下蓋黃連

能去心竅惡血故爾

星蘇散木通湯治中風不語

通關散 方並見驚癇

宣明論

分肢散治小兒卒風大人目眼喎斜風涎裹心驚癇天吊走馬喉閉急驚一切風熱疾等

芭荳 半兩不 川大黃 壹兩朴硝半

右大黃為末後入芭荳霜朴消一處細研用油貼起如有前患每服半錢熱茶下吐

下頑涎立愈如小兒胃喉驚吊等先服辛

腦地黃膏壹服次服此藥壹字茶下時上

吐下瀉微瀉以吐利得快為效大人半錢

小兒壹字看虛實加減只是壹兩服見效

不宜頻服如吐瀉不定以葱白湯

保童秘要

骨節風方

獨活 大升麻 羌活 防風 桂心 各三分

細辛 炙 甘遂 輕熬各 郁李人 壹分 別搗

右爲末蜜和爲丸如梧子大每壹歲空腹以溫水研化下三丸

御藥院方

聖惠牛黃丸治小兒中風手足拘攣身體強直口禁壯熱

牛黃 犀角屑 射香 羚羊角屑 胡

黃連 朱砂 鈞藤 雄黃 水銀棗肉研星

盡 乾蝎 天竺黃已上各壹分 烏蛇半兩酒浸去皮骨焙

右爲末蒸餅和丸如黍米大每服五丸薄

荷湯下量兒大小加減服之

金砂丹治中風涎潮失音不語而赤脉浮大數急迷悶口眼喎斜但係風熱之疾半身躄曳或傷寒剛痙瘈瘲口噤小兒急慢驚風並皆治之

白花蛇 烏蛇各用酒浸壹宿去皮骨各壹兩 蝎梢去毒微炒

僵蠶炒 犀角 玳瑁 天麻 人參

茯神 甘草炒各壹兩 腦子 射香 牛黃

雄黃 珍珠末 天竺黃 鐵粉另研各二錢半

銀泊二百五拾片 金泊二百五拾片於內 朱砂

五兩通明水飛

右件二十味為細末再研勻用真石腦油為丸每兩作壹十九丸用金泊為衣每服壹粒煎人參湯化下或竹葉湯亦得新汲水亦得小兒量大小虛實服不拘時候正舌膏治小兒風病搐搦機關不利喫乳難至於不能發聲者此因病作之後風邪客於舌之絡脉而致此也服之累效

天麻明大者 白殭蠶直者去 大葉薄荷鄆州者各

半兩 上好朱砂飛研膏分計二錢半 麝香壹兩入藥壹半為衣

研腦子

右除研者外為末研勻煉蜜和丸如榛子大每服壹丸薄荷湯化下時時服少許朱砂為衣

肘後方

守母秘錄治小兒中風口噤乳不下白棘燒末水服壹錢匕

聖濟總錄

小兒中風

風者百病之長善行而數變小兒氣血未定
肌肉脆弱腠理虛疎為邪風所中以春甲乙
得之則中于肝以夏丙丁得之則中于心以
季夏戊己得之則中于脾以秋庚辛得之則
中于肺以冬壬癸得之則中于腎各隨其府
藏之俞所中則為藏府之風或客于皮膚肌
肉榮衛或留于筋膜骨髓隨其變化為病不

宜各有間甚之狀大率與大人所得證候皆
同特小兒之治分劑多寡差殊宜消息以調
之
治小兒卒中風狀如欲絕增損續命長理石
湯方

長理石碎 石膏碎 赤石脂碎 白脂石碎 滑

石碎 桂皮去麤 大黃剉炒 麻黃去根節先煎

防風去牡蠣 龍骨碎 栝樓根剉各 甘草

寒水石分

漿水調服三四歲兒服壹錢七日三服量
見大小加減

治小兒中風口眼牽急丹砂丸方

丹砂研乾蠍去足白殭蠶微炒天南星炮裂各半

兩白附子壹分

右五味搗羅四味為末入丹砂研令勻麩

糊和丸如菉豆大壹歲兒服一丸薄荷湯

下

治小兒中風口眼喎斜發歇不定神識昏昧

紫金丹方

草烏頭一分炭火天南星壹分炭火內丹

砂研三錢蜈蚣壹條赤足白花蛇生取肉蠍

梢炒牛黃研麝香研乳香蓋子內各壹錢

右九味先將五味搗羅為細末入研者藥

合研勻川酒煮麵糊和丸如麻子黍米大

量兒大小每服三九至五九煎桃符湯下

急驚風研服

治小兒中風瘓身背強直牙關緊急螳螂丸

方

螳螂壹枚大者去翅足炒乾 棘剛子去皮三枚 烏頭裂
 去皮臍天南星 中者炮防風 去又細辛 去
 二枚葉壹 乾蠍炒一錢 白附子大者壹枚丹砂 研壹麝
 香研半錢

右一十味搗研為細末用石腦油為丸如
 菘豆大每服一九至二九薄荷水化下不
 計時候如小兒目睛上視口噤不開用醋
 化一九灌入鼻中男左女右灌之

治小兒中風藥頸項強直及風癩潮發牛黃
 丹方

牛黃研 丹砂研 天竺黃研 蠍梢 白殭蠶
 天南星 白附子各壹分

右七味並生用搗研令細鍊蜜片如梧桐
 子大每服金銀薄荷湯化下一九至二九
 服之

新效方

白附丸治風痰

南星

八兩切片

白礬

半兩未

白附子

三兩未

右三味以水浸南星白礬湯煮指晒乾研細入白附子和勻飛羅麴為丸芡實大每服一立九薑蜜薄荷湯浸化下或至二或

玉機微義

治風之劑

小續命湯

昔名寬筋湯

治小兒吐瀉之後因虛生

風痺癱神昏涎盛不利

方見直指小兒方

錢氏入青膏治小兒熱盛生風欲為驚搐前

氣未實不能勝邪故發搐也大小便依度口

中氣熱當發之

天麻未

錢

白附子

一錢半

蝎梢

半錢

朱砂

壹字

烏蛇肉

酒浸焙乾半錢

青黛

壹錢

大竺黃

壹字

右同為末生蜜和成膏每服半皂子大月中兒粳米大

天麻防風丸

方見驚癇

按已上三方風自內因者宜此汗之可見裏之表證與外因不同矧有驚風痰執會

熱等類諸風者臨證並宜選擇

驅風膏

瀉青丸加辰砂蝎尾

按此表裏藥也

浴體法

天麻末

二錢

蝎尾

朱砂

各半錢

烏蛇肉

酒浸為末

白凡

各三錢

麝

青黛

三錢

右同研勻每三錢水煎入桃枝壹握并葉

五七枝溫洗之勿浴背

塗顙法

麝

壹字

蝎尾

半錢

薄荷葉

半錢

蜈蚣末

青黛末

各壹字

右研勻熟棗肉劑為膏新絲上塗勻貼顙

上四方可出一指許火上炙手頻熨百日

裏外兒用此法

謹按世俗週歲上下小兒諸風搐證用浴

體拍洗法得汗立效殊勝火炙蓋艾有悞

加於風熱陽癰也慎之

局方敗毒散治小兒傷風身熱鼻塞方見諸熱

拔萃防風蒼朮湯治小兒邪熱在表惡風風

寒所傷

防風半兩蒼朮

石膏

各壹兩

甘草

炙半兩

川芎

黃芩

各二錢半

右為粗末每二錢入薑薄荷葉煎

升麻黃芩湯治小兒中風身熱頭項強自汗

表不和也

升麻

葛根

黃芩

芍藥

各五錢

甘草

二錢

半

右咬咀每二錢水煎

按此二方陽明經藥也

大羌活湯治風熱方見傷寒

錢氏搨氣丸治脾風腹脹

胡椒

二兩

蝎尾

半兩

右糊丸粟米大每五七丸至一二十九

按此宜風補脾藥也

羌活膏

方見驚癇

全嬰方加減惺惺散治小兒傷風風熱及傷寒鼻塞發熱驚悸頭痛咳嗽時行風熱

蒼朮 川芎 人細辛 羌活 防風 白

芷 天花粉 甘草 赤芍 桔梗 麻

黃 荆芥 當歸 薄荷

右等分水煎一錢入薑

按此太陽例藥也

已上諸方宜隨諸經輕重選用

殭蠶散治小兒中風不語失音關鬲不通精

神昏慣

殭蠶 兩 羌活 壹錢 麝香 半錢

右為末三歲半錢薑汁少許調和湯浸服

又以菖蒲末於舌根上頻用之

桂菖散治小兒急中風失音不語

桂心 兩 石菖蒲 壹分

右為末三歲壹錢水煎服若大病後不語

者用豬膽汁調下未語再服

按此二方出太陽例可見中風傷風例不

同故錄之

卷之三

九

瘧瘧

目錄

論

直指小兒方

瘧瘧方論

瘧瘧證治

小續命湯 防風溫膽湯 敗毒散 小

柴胡湯 大承氣湯 麻黃葛根湯 桂

枝葛根湯 理中湯 三生飲

永類鈴方

癩瘡

星香散

大餘藥無名者散見本方

癩瘡

直指小兒方

癩瘡方論

癩音景瘡音翅字異義同

發瘡證候先傷於風又感寒濕致之此虛極生熱熱極生風之甚者也傷風發熱頭痛汗出又自嘔逆汗之必發瘡濕家發汗稍多亦發瘡婦人新產血虛汗出傷風發瘡無疑矣項背強直腰身反張搖頭掣癎噤口不語發熱腹痛鎮日不醒其狀可畏病在足太陽瘡

剛瘧無汗柔瘧有汗其而紅眼赤牙緊手張
痰涎壅盛昏潰煩渴小便赤澀先識語而發
者此剛瘧也其大便滑泄不渴不語先手足
冷而發者此柔瘧也剛柔二瘧亦如陰隔陽
陽隔陰之類剛瘧爲之發汗柔瘧爲之解肌
並以小續命湯加減剛瘧去附子用麻黃柔
瘧去麻黃用生附子大便利而厥逆者則以
熟附佐之其間豈證身體壯熱識語口乾手
足反微寒大便反滑泄此爲剛柔不分之瘧

可用生附子小續命湯要之得病以來無汗
則麻黃按方有汗則麻黃謹勿用也其若痰
寒氣盛則南星半夏伏苓以消其痰枳實陳
皮紫蘇以順其氣痰消則風止氣順則神醒
治療之法先與消痰順氣爲上嗣是病勢稍
止然後審其熱之輕重而解利之熱輕者與
敗毒散熱盛者與小柴胡湯壯熱胃滿口噤
咬齒而大便秘結者是爲內實大承氣湯下
之又法剛瘧麻黃葛根湯柔瘧桂枝加葛根

湯瘥最難痊十救其膏過三日不治請早圖之餘見傷寒類書活人總括

瘥瘥證治

小續命湯 方見諸風

防風溫膽湯消痰順氣疎風

半夏製枳殼製伏苓各半橘皮防風二

錢甘草炒一

右剉散每服一錢入生薑紫蘇煎服

敗毒散

人參 茯苓 甘草炒 芍藥 前胡 羌

活 獨活 柴胡 北梗 枳殼

右加防風等分爲籠末每服一錢薄荷小

許煎服

小柴胡湯治剛瘥有熱

柴胡兩一 黃芩 人參 半夏製 生薑各三

甘草錢一

右剉散每服叁字入棗煎服

大承氣湯治剛瘥胃滿內實口噤咬齒

大黃 芒硝各半 厚朴四兩 枳殼二枚

右判散每服三字薑三片煎服

麻黃葛根湯治剛痊無汗

麻黃去節 赤芍藥各半 乾葛兩半 葱白三莖 薑半

右判散每服三字煎服

桂枝葛根湯治柔痊有汗

桂枝 芍藥 甘草炒 葛根各三錢 生薑兩

大棗四枚

右判散每服三字煎服

理中湯治柔痊厥冷自汗

人參 川白薑炮 甘草炒 白朮等分

右判散每服三字煎服

三生飲治柔痊自汗肢體厥冷

天南星兩 川烏生 附子各半 木香一分

右判散每服壹錢生薑五片慢火煎取其

半通口

承類鈴方

瘧瘧上景下世瘧風

星杏散並治中風

南星錢二 木香 陳皮淨各乙錢全蝎焙二介甘

草錢

右制散每服乙錢姜三片煎虛冷可加熟

附川烏少許添姜錢

醫方類聚卷之二百六十一